



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Disputatio De Statu In Quo Sint Beatorum Animae Post  
Hanc uitam, ante ultimi iudicii diem**

**Dévay Biró, Mátyás**

**[Nürnberg], [1537]**

**VD16 D 1300**

Omnes Sancti In Regno Gloriae Pares Futuri.

**urn:nbn:de:hbz:466:1-34195**

Gracianus

Ephes. 2.

Galat. 3.

Item prorsus tua a te tibi parata non nouimus, nisi mala, cum ergo coronat Deus merita tua, nihil coronat nisi dona sua. Et scholias Graciani: Quicquid habes meriti, pben- tis gratia donat, nil Deus in nobis pter sua dona coronat. Cum autem proprium meritum omnium sanctorum tam impurum sit, sequitur alieno merito, nempe Christi, nos saluari debere. Hoc autem meritum non nisi fide apprehendimus. Iam fides donum Dei est, & quidem gratuitum. Ephe. 2. Gratia estis saluati per fidem, & hoc non ex uobis, donum enim Dei est, non ex operibus, ne quis gloriatur. In hoc itaq; dono, gratia, fide, omnes unum sumus in Christo. Galat. 3. Nec refert quis etiam in fide sit ardentior, sed quatenus unus est scopus fidei omnium, ita omnes unum reddit in Christo, hoc praeludebat manna, de quo, si quis plus minusq; collegisset, per Gomor mensuratum, non plus aut minus habebat, sed aequaliter omnes, unde licebit nobis etiam donorum facere differentiam.

### DVPLICIA DONA.

**A**lterum iustificans, quæ est fides. Hæc ex æquo omnibus Christum partitur, nec ullus maior aut minor est in Christo, inde & aliud thema.

### OMNES SANCTI IN REGNO GLORIAE PARES FUTURI.

Philip. 3.

**C**hristus seruator noster, glorificatus corpore & anima, regnat in cœlis, ad eandem glorificationem corporis & animæ, uocati sunt oēs in uniuersum sancti. Philippen. 3. Vnde & dominum expectamus, qui reformabit corpus humilitatis nostræ, configuratum corpori claritatis suæ.  
2. Cor. 3.

2. Cor. 3. Vbi dominus, ibi libertas &c. in eandem imaginem transformamur &c. Rom. 8. Si filij & hæredes, hæredes Dei, cohæredes Christi. 2. Cor. 6. habentes eandem remunerationem. Ephe. 3. Consortes, participes, concorporati Christo. Et cap. 2. Confedere nos fecit Deus in celestibus cum Christo. Ioan. 17. Vt sint unum in nobis, item sint consummati in unum. 1. Ioan. 3. Nunc filij Dei nominamur & sumus &c. Cum apparuerit similes illi erimus, & uidebimus eum sicut est. Et cap. 1. Societatem habemus cum patre & filio eius Iesu Christo, item ut habeant societatem nobiscum, maxima & preciosa dona donauit nobis, ut per ipsum diuinæ efficeremur consortes naturæ. 2. Petri 1. Fidelis Deus qui uocauit nos in societatem filij dilectionis suæ. 1. Cor. 1. Et sexcenta huiusmodi, & in Apostolorum symbolo credimus sanctorum communionem. Huc & mystici connubij significatio facit. Erunt duo in carnē unam, nā qui adhæret domino unus spiritus fit. 1. Cor. 6. Qualis celestis, tales & coelestes, si portabimus imaginem terreni, portabimus & imaginem celestis, 1. Cor. 15. Sequitur ergo omnes sanctos in dotibus corporis & animæ pares futuros in regno gloriæ. Iam illud Christi Ioannis 14. In domo patris mei mansiones multæ sunt. Non, ut magister sententiarum somniat (id est, meritorum differentia) ad superiorum analogiā interpretemur, mansiones multæ, id est, multorum electiones sunt in domo patris mei. Illud Danielis 12. Qui docti fuerint, fulgebunt quasi splendor firmamenti, & qui ad iusticiam erudiunt multos, quasi stellæ in perpetuas æternitates, in consolationem Euangelistarum dictum est. Et Paulus 1. Cor. 15. Stella differt a stella, nihil de hac doctrina loquitur, ut perspicuum est introspectanti textum, in quo est collatio corrupti corporis & resuscitati ad incorruptionem, sic enim (ait) sic & resurrectio mortuorum.

f

Ambrosius

2. Cor. 3.

Rom. 8.

2. Cor. 6.

Ephe. 3. et 2.

Jo. 17.

1. Jo. 3.

2. Petri 1.

1. Cor. 1.

1. Cor. 6. et 15.

Jo. 14.

Domit. 12.

1. Cor. 15.

Ambrosius Ephe. 17. exemplum salutis credentium & gloria, in resurrectione saluatoris consistere proficitur, ut ex ea cognoscant fideles, quid eis promissum sit, simili enim modo extollentur supra coelos, futuri cum Christo, sicut & ipse dixit; Volo pater, ut ubi ego sum, illic sint & ministri mei, & uideant gloriam meam.

Idem libro 2. de uocatione gentium cap. 5. Ostendit patrem familias diuerso tempore conducentem operarios uinea, sub pactione denarii, quo uitae aeternae significatur aequalitas. Et post.

Vt etiam hi qui multo labore sudauerunt, nec amplius quam nouissimi acceperunt, intelligant donum se gratiae, non operum accepisse mercedem.

Hieronymus Matth. 13. In hoc periculosa est interpretatio, ut inter merita sanctorum quamlibet discretionem facere uideamur. Idem contra Iovinianum: Ad sunt nobis opera bona & merita, & non ad sunt. Ad sunt quia dona Dei sunt, & opera eius solius. Nulla sunt, quia non plus de eis possumus praesumere quam ullus nouissimus peccator, in quo nondum operatur Deus. Ita sumus, fuimus, manemus semper coram Deo aequales omnes. Idem ut superius citavi omnes retro sanctos eiusdem esse meriti, ut nunc sunt Christiani.

Lyranus Ro. 8. Cohæredes Christi, qui est, inquit, naturalis filius Dei, & sic pertingimus ad gloriam animae & corporis sicut ipse.

Ex his liquet, omnes Christianos pares esse, nec alius alio de Christo plus habet, Petrus latrone in cruce non est potior: Maria Dei mater peccatricem Magdalenam non excellit. Si dicis altero alterum plus laborasse, interrogo quid est quod non accepit? Si accepisti quid gloriaris? Plus omnibus laborat Paulus, sed gratia Dei in ipso, ipse enim omnia opera nostra operatur in nobis, & operationis laus  
non

non nobis, sed Deo per nos operanti, est deferenda. Nam  
etsi prædicauero, non est mihi gloria. 1. Cor. 9. Iam uel cæco  
perspicuum est, sanctos in regno gloriæ pares futuros. 1. Cor. 9.

Est et aliud genus doni quod uocant, donum gratis datū,  
nam donum gratum faciens sola fides est, quæ nos Deo gra-  
tos acceptosq; reddit, hanc fidem, iustificans donum uoco,  
alia, dona non iustificantia, in his donis beata Virgo omni-  
bus sanctis præeminet quæ una sic inuenit gratiam apud  
Deum, ut mater Dei & hominis fieret, sed ne uirgini quidē  
profuisset partus, & matris nomē ut Chrysostomus ait, nisi  
fide & bonitate præstasset. Sic de Ioanne Christus concio-  
natur: Inter natos mulierum maior propheta non surrexit  
Ioanne, sed maior, donis non iustificantibus, officio, rebus  
externis & actionibus. Multa enim sunt genera gratiarum  
quæ ad utilitatem ecclesiæ cuiq; partitur Deus, secundum  
mensuram, alij plus, alij minus, linguis loqui, prophetare, su-  
scitare mortuos, castitas corporalis, & alia huiusmodi, do-  
na quidē sunt gratis data, et maxima, sed gratos nō reddunt  
quemq; , sed sunt pijs & impijs communia, Matth. 7. Vide  
Lyranum Acto. 10. Hoc monere uolui, ut sciāt fratres mei  
donorum rationē, & scripturas de donis sic sonantes, quas  
non ut Thesei filium, sed ut lucernam pedum nostrorum imi-  
temur. Abunde experti sumus quid indocti Monachi de  
sanctorum meritis uociferati fuerint. Stat ergo sententia,  
sanctos in hoc mundo donis non iustificantibus differre, in  
regno gloriæ pares futuros & unum, iuxta fidei omnium  
ueritatem.

## DE CHRISTI HONORE.

**S**I omnes ad mensurā ætatis plenitudinis Christi occurri-  
mus, .i. sum⁹ in glorificato corpore & aīa pares Christo,  
f 2 quid